

## Sakspapir

Sakshandsamar	Arkiv	ArkivsakID
Svein Helge Hofslundsengen	FA - G49	18/155

Saknr	Utval	Type	Dato
025/2018	Formannskapet	PS	22.03.2018
023/2018	Kommunestyret	PS	03.05.2018

### Tannhelsetenesta - søknad om å delta i prøveprosjekt

#### Vedlegg:

##### Journalposttittel

Kartlegging av

Kartlegging av kommunar som ønskjer å delta i prøveordning med å overta ansvaret for den offentlege tannhelsetenesta

##### Dato

14.03.2018

07.03.2018

#### Rådmannen sitt framlegg til vedtak:

**Masfjorden kommune i samarbeid med ein eller fleire kommunar søker om å få delta i prøveprosjekt med tannlege i kommunal regi**

#### Saksopplysningar:

##### Bakgrunn

Helse- og omsorgsdepartementet har bedt fylkesmannene å kartlegge kva kommunar som ønskjer å delta i ei prøveordning der kommunen overtek ansvaret for den offentlege tannhelsetenesta frå fylkeskommunen. Dei ber om tilbakemelding frå dei kommunane som ønskjer å vere med i prøveordninga, innan 20. mai 2018.

##### Fakta

Fleirtalet i helse- og omsorgskomiteen legg til grunn at deltaking i prøveordninga skal vere frivillig og omfatte om lag 15 av kommunane i landet. Der ein fylkeskommunal tannhelse-klinikk omfattar fleire kommunar, må desse kommunane som hovudregel stå samla om ei slik oppgåveoverføring. Samstundes meiner fleirtalet i helse- og omsorgskomiteen at det bør opnast for unntak i tilfelle enkelte kommunar ikkje ønskjer å vere med i prøveordninga. Føresetnaden er då at denne/desse kommunane kan overførast til ein annan fylkeskommunal/ regional tannhelseklinikk.

Ved behandling av Prop. 71 L (2016-2017) *Endringer i helselovgivningen (overføring av det offentlige tannhelsetjenesteansvaret, lovfesting av kompetansekrav m.m.)* vedtok Stortinget forslaget til

lovendringar, jf. Innst. 378 L (2016-2017). Samstundes vedtok Stortinget følgjande:

#### I

*"Stortinget ber regjeringen legge til rette for en prøveordning som innebærer at kommuner som ønsker det, etter søknad kan få tillatelse til å overta ansvaret for tannhelsetjenesten fra 2020."*

#### II

*"Stortinget ber regjeringen sørge for at prøveordningen som starter i 2020, i de kommunene som ønsker å overta tannhelsetjenesten, følge evalueres frem til 2023. Basert på erfaringene i prøvetiden og endringer i kommunestruktur etter 2020, kan en videre utvidelse til flere kommuner tidligst skje etter 2023."*

#### III

*"Stortinget ber regjeringen vurdere behovet for økonomiske incentiver for kommuner som ønsker å overta tannhelsetjenesten".*

#### IV

*"Stortinget ber regjeringen komme tilbake med egen sak som vurderer overføring av den samlede tannhelsetjenesten basert på erfaringene fra prøveordningen som kan gi grunnlag for beslutning om overføring fra 2023."*

#### V

*"Stortinget ber regjeringen starte arbeidet med å bygge opp tannpleierkompetanse i kommunene. Slik oppbygging av tannpleierkompetanse i kommunene vil ha økonomiske og administrative konsekvenser som regjeringen vil måtte komme tilbake til i budsjettsammenheng."*

Viser elles til saksvedlegga.

### **Vurdering**

Våren 2016 vart den fylkeskommunale tannhelseklinikken i Masfjorden lagt ned etter vedtak gjort i mars i fylkestinget knytt til ny klinikkstrukturplan for tannhelse i Hordaland. Masfjorden kommune har i samband med prosess kring ny klinikkstruktur for tannhelse i Hordaland fylke jobba med å få behalde eller vidareføre tilbodet i kommunen anten i fylkeskommunal, privat eller kommunal regi, og kor dei 2 siste føreset ein driftsavtale med Hordaland fylkeskommune. Dei rammevilkår som fylkeskommunen hittil har tilbydd inneber at kommunen må bere ein stor økonomisk risiko, og treng ein betre avtale. Regjering/ Stortinget har vedteke ei prøveordning, som sikrar betre rammevilkår for dei som fell inn under ordninga, og ein tilrår at kommunen saman med andre kommunar søkjer om opptak i prøveordninga. I denne omgang er det å melde inn interesse, så må vi komme attende til saka seinare.

### **Konklusjon**

Masfjorden kommune i samarbeid med ein eller fleire kommunar søkjer om å få delta i prøveprosjekt med tannlege i kommunal regi, jf. skriv frå Fylkesmannen i Hordaland og frå helse- og omsorgsdepartementet.

### **Formannskapet - 025/2018**

#### **FS - behandling:**

Saka vart drøfta.

Framlegg til vedtak vart samrøystes tilrådd til kommunestyret.

#### **FS - vedtak:**

Masfjorden kommune i samarbeid med ein eller fleire kommunar søkjer om å få delta i prøveprosjekt med tannlege i kommunal regi.

### **Kommunestyret - 023/2018**

#### **KS - behandling:**

Saka vart drøfta.

Framlegg til vedtak frå formannskapet vart samrøystes vedteke.

#### **KS - vedtak:**

Masfjorden kommune i samarbeid med ein eller fleire kommunar søkjer om å få delta i prøveprosjekt med tannlege i kommunal regi.